



橫着心兜赴水濱。

丑扮漁媪一面上。人事有時多變換。江湖無日不
清閒。見旦跳水忙救。介哎呀。這位小娘子為何尋
此短見。旦坐地哭。介婆婆。奴家遭了兵亂。無處逃
生。因此投水。丑慢慢想箇法子。何必如此。旦哭。介
丑背介你看好一個標致女子。又是無主之人。何
不將他誘在船上。認作女兒。賣在門戶人家。倒是
一注大錢。喜介此奇貨可居也。一定是這箇主意。
向旦假泪介小娘子且請寬心。老身有個漁船。現
在灣內。你不如暫且隨我度日。再作區處。何如。旦

善人惡人各具肺腸。故造次動念。自分天淵。

如任婆語。但言高。而心不同耳。

立拜介蒙婆婆相救。感激無涯。丑我恰你是個落
難之人。因此相救。小娘子只管寬心。旦謝介
旦江上無端遇善人。竟教紅粉不沉淪。
丑自恰老蚌無生產。拾得明珠自水濱。

第十四齣 權怒

北越調子。霜天杳淨。蟒玉引四校尉。上威權震主。光
彩生門戶。南朝依樣畫葫蘆。開東閣。且延他賄賂。
將軍爵秩冠諸鄉。手握南都百萬兵。閩海無人扶
帝業。朝廷倚我作長城。俺鄭芝龍。安平人也。由海
寇歸正。屢立戰功。歷任至鎮海總兵之職。後來北

事不可為。即此輩亦自知之。開東閣以延賄賂的是。妙文。

兵南下金陵王氣全消是俺奉潞王正位福州建
元隆武朝廷以俺有迎立大功因此晉爵通侯尊
為尚父建牙開府坐見九卿笑介大丈夫得志之
秋自當如是今日乃本爵壽辰百官都來慶賀須
索在中堂受祝校持禮單跪稟介啟命本省按道
各官都有禮物慶壽淨禮單來看介福建巡撫
吳修等恭賀恩侯爵下敬具錦繡千端黃金千鎰
珍珠百琲美女二十人謹慶千秋笑介都着收下
丑扮差官領眾抬禮物並美人繞場下丑差官叩
頭淨起來聽俺吩咐丑拱立介淨

罵殺

越調套關鶴鶻喜伊行歷任封疆不忘咱朝中夾輔
想他們敬我如君因此上尊吾若父丑跪介侯爺說
得是淨你回去寄語伊行教他把官兒好做但有我
一日當朝他莫愁今生失所不圖他玩好金銀只要
他終身孺慕

丑叩頭介小官領鈞旨淨賞他酒飯校應領丑下
校持手本跪介啟命廣西省撫按司道並十一府
官員進禮物慶壽淨看禮單介廣西巡撫莫廉等
恭進蟒袍四套玉帶六團象器八箱犀器九品同
祝千壽笑介也都收下喚差官進來校應介眾扛

禮物繞場下副末扮差官叩頭介淨聽吾道來副末拱聽介淨

紫花兒序粵西邊省地瘠民貧庚癸頻呼你那上官呵縱然愛我百姓何辜副末跪介這些少孝敬都是各官自辦與百姓無干淨笑介使乎使乎你回去曉諭他們我一品官高列茅土經文緯武寄與伊行凡事要躊躇

皆各官天生所有者妙妙

禮物太薄致指此語

叙法又一變

副末領鈞旨下校持手本稟介啟爺雲南督撫巡按兩司諸道並二十二府官員恭進玉器百件良馬六十匹異獸三十頭珍禽一百對為爺祝壽二

校又持手本跪啟介啟爺貴州撫按司道並十府各官共進黃金二百兩白金二千兩牙笏四囊玉杯六對為爺上壽淨都收下小旦貼扮二差官叩頭介眾扛禮物繞場下淨

小桃紅怎堂堂兩省盡名區禮物兒反不如他處小旦貼跪介本官亦深愧禮物非薄不過表一點孝心淨但至誠一片心堪取吾豈較錙銖你二人歸去傳吾語教他們循規蹈矩不須恐懼莫因我起貪漁

小旦貼應下校持手本跪介啟爺廣東巡按王四維親送禮物到府請爺鈞旨淨道有請校請介副

大度包容

此等人多不足
以為異

淨冠帶上挺骨居憲府屈膝入候門拜介息侯在
上廣東巡按御史王四維叩祝千秋淨起來請坐
副淨不起介息侯千壽四維無可孝敬謹會同總
督畢錫巡撫田志並司道府縣各官公具珍寶服
玩翡翠金銀祝息侯福如東海壽比南山淨生受
你們了請起本爵一摠謹領副淨拜謝介謝息侯
光寵淨請坐副淨揖介告坐旁望介衆抬禮物統
場下淨笑介

調笑全濟楚滿庭除滿庭除呀你看錦綉金銀寶共
珠珊瑚瑪瑙無其數你們也費心了副淨足恭介惶

妙

恐淨感諸君反哺如鳥千山萬山來帝都又何須過
厚於吾

方入正文

副淨這都是九府孝順四維等不過總承而已淨
廣東十府怎說是九府副淨曲躬介不是息侯下
詢四維也不敢稟聞廣東大小官員以息侯千秋
無不踴躍稱慶只有廉州府知府鄭樾千為人剛
愎目無上司息侯之事私有議論道四維等倚靠
息侯何異冰山如此悖逆故不列名淨有這等事
副淨欺息侯便是欺天了四維怎敢淨怒介嘎
禿廝兒聽此言不覺得心頭大怒髮衝冠乍了鋼鬚

俺雖是長戈大戟一武夫。却現在班師保輔皇圖公。孤。

此人這等狂妄。你等就該處置他了。呵。副淨四維

等久有此意。尚未舉行。淨。聖藥王。你等心太粗。意太粗。把一個黃堂五馬付狂。徒刑太踈。法太踈。不把這滔天惡黨早驅除。無乃太糊塗。

老而流利

副淨叩頭介。四維等罪該萬死。今日面承鈞諭。回去即行。參處。淨這也不干你事。起來。副淨謝介。謝。息候天地之息淨。

絡繹娘。心頭氣一時志舒。胸中惡一時志吐。王御史。副淨有淨你回去。留心作區處。要殺那廉州知府。

副淨領鈞旨。四維就此告辭。拜辭介。自己功名牢。且固他人心事小。而輕下外末。副末丑扮四大臣。

蟒玉上。集外桓典威聲傾要路。末長卿文采冠諸。

公。副末玉壺光映媚。娟月丑鐵面寒生凜凜風。合。請了今日。乃安南侯壽誕。我們須索前去一賀。行。

到介。校稟介。各部院大老爺都來拜壽。淨請入中。

堂相見。四人見介。合。君候在上。我等拜賀。淨起。動。

諸公。四人同拜。淨拱立介。集外南人重頌袞衣歌。

欲加之罪何患無
辭

未掃盡鯨沉海不波副盛美千秋麟閣上丑元公
帶礪永山河淨中坐四人分坐介淨吏部老先生
外君侯淨本爵雖是武夫也知你吏部尚書掌百
官黜陟內外官員賢否豈有不知外請教淨
天淨沙你一品尊玉帶金魚六官中前步先趨真個
是周規折矩志不辨賢愚任狂徒居守名區
外訝介學生老邁諸事老荒今聽君侯所責茫然
不知所指還望明教淨廣東廉州府知府鄭樾干
居官不法毀謗朝廷如此官兒就該區處了
么篇他並非名官名儒為何居名郡名都志做得民

之父母網紀全無胡亂言誹謗當途

末等驚立介豈有此理難恠君侯發怒外躬身介
君侯請息怒學生當飭行該撫按着其嚴究題叅
便了淨這纔是立介諸公光顧學生有小酌奉留

四人多謝君侯淨

煞尾華堂開綺筵梨園翻小部聽鏘三玉珮賓隨主
喜這樣太平時如何不享福

真是太平古者正
房倒塌壓死主人
一事未完耳

淨為官幸際昇平日

莫笑武臣無學術

正是吾儕行樂時
人四汾陽天下繫安危

第十五齣 漁迫

字字雙。副淨扮漁子。上。生成長大在江沱。安樂老娘撒網要兜摸。摸錯一摸。摸着個大青螺。捏破裡邊有肉。顫娑娑腥貨。

我王二的便是。世居鄱陽湖上。住個漁船。與娘打魚為活。誰想那日絕早。娘在湖上領一箇女子到船。生得十二分標緻。娘教他髹袖拿魚。睽見他兩臂如藕。娘教他下船摘網。偷見他十指如葱。我娘既不是本分之人。我自然是個不良之輩。今日娘到府城去了。趁此無人不免回船去。和他上了手。占箇頭籌。也不枉人生一世。正是准脩掣雲手。牢

名言至理

籠似玉人。下旦作漁女裝上。

雙調步步嬌。滿載深愁。漁舡坐。自念奴身弱。泪介終朝。泣泪多。瘦減香肌。翠眉雙鎖。今日婆。到府城去了。怎麼不見回來。作恠老婆婆。丟下了奴一箇。

副淨內唱介。一月子。彎二照子。蘆花蘆子。花介裡面有個釣魚樣。冤家你弗要裝腔作調。介把儂來騙。趁介無人看見。和你兩挨搭。旦背介呀。不好奴家。一晌在舡細看王二。這厮大有不良之意。今日婆。婆又不在舡上。怎生是好。思介且自由他。若有些風吹草動。自索拚這條性命。仍跳在湖裏去。副淨

原投水竟成救命之

上嘻：呵：妹：哥：哥：撒網妹：你下去摸螺旦奴家不會且待媽：來副淨噫好自在話兒

我這漁船上生意你難道不曉得的

玉山頹你既將身兒投我報恩人也無可奈何已偷生住我漁船要誰憐你顏如花朶說不得身嬌體懦快些把裙兒脫却妹子我要看你身兒裸莫延俄你若不肯呵借只怕我動手來時你待怎麼

旦哭介天哪奴家直恁的命苦副淨這又奇了下水撈魚是漁家的正事怨什麼命苦旦奴那里會水副淨奴那里會水笑介罷罷你不下水且自由

你只要你依我一件好事旦有何好事副淨借這椿事竟好得緊哩呀

女道學馬能化人
步步嬌你一貌如花身流落怎忍虛把韶光過我原非是你哥旦媽媽認奴作女兒你便是哥：了怎說不是副淨你休認錯了我和你千里姻緣非同凡可上樓抱旦介你漫囉唆旦推副淨作倒介副淨噫這却是怎的箇

老向得神

發惱介不信我便奈何不得你旦你再休如此

玉山頹你休欺奴悞論倫常你是我哥副淨那都是假的旦感君家救我殘生念奴家甫離灾禍副淨我

傷心語

正是念你。且倘仍加折挫。何難我投江散夥。求你把
奴饒過。感恩多。何苦把天大的陰功。付逝波。

副淨你空有花言巧語。其奈我不聽何。

到要他救妙：

尾聲我慾心今日真如火。抱旦介懇求妹子救奇。

旦推開哭介。噫罷罷。罷說不得捨着香軀伴女娥。

作投水介。雜扮夜叉執旂引旦下。副淨呆介。他竟

自投水而死。娘回來却怎麼好。望水嘆介。可憐一

個絕代佳人。葬于江魚之腹。此處不可久留。不免

移舟到府前去便了。作移舟介。

集一。旦韶姿着水光。驚回白鳥入殘陽。

唐自知終古清香在。星子灣西雲間行。

第十六齣 遇尼

貼執塵扮尼姑上一。坐東林寺。從來不下山。若非

隨佛會無事到人間。老尼普慧號真慈。南昌人氏

在散花庵作個住持。因會了香舟向武當進香。不

想為左兵所阻。三月始歸。今日舟過鞋山。重見故

鄉風景。你看烟波浩淼。天水相連。一望無涯。果好

景象也。內鳴鑼作水散介。貼

句句是彭蠡景象
故妙

商調集巫山十二峰。山坡樹蒼。遙山如黛。水涵
澄湖似海。望村墟千堆碧。煙看風帆萬點。孤山外想

千古之文出自方
外作者之命意深
矣

高唱大江東

陡接

當日我太祖龍興與漢兵大戰于此萬苦千辛創成
帝業本欲子孫世守永保江山誰知今日國亡家破
都作了殘山剩水五更想當日明主興漢業亡元人
敗到而今江山可恨轉又要把明朝改三百年來故壘
今猶在園林依舊是煙波聚開依舊是風雲往來江
水那里好管更朝改代歷盡興亡只這岷山一派內作
水聲夜叉引旦統場下貼驚望介玉交事兒奇怪浪
濤中有沉屍可哀丑雜扮舟子急上呀水裡淹壞人
了貼列位快打撈上來老尼重重相謝丑雜作爭先
下水救下貼望介隨波時露香羅帶像是個女子裏

穩足

釵丑雜負旦上放地下介好水好水貼摸介心頭未
冷尚可解救列位且迴避老尼有白金四兩相謝丑
襟得銀喜下貼作喚旦老旦小旦扮尼姑一面上同
嘆介可憐嬌小誰家女怎得紅顏赴水瀆作喚介小
娘子甦醒旦呀介貼背介活轉了阿彌陀佛又喚介
旦徐唱介五供賸魂殘魄渺茫茫不住徘徊眼底猶
昏眩心下漸明白又喚介旦睜眼介呀今生重再是
那箇拯救蜚災貼小娘子老尼在此旦視貼作欲立
不能介貼小娘子且慢起身旦泪介好姐泪灑向三
尼拜介深深一拜禁不住悲傷滿懷老旦小旦可喜

有水到渠成之妙
得元人三昧

福田廣大死而復生虧了這位普師父答救旦拜貼
貼扶介小娘子是誰家閨女為何落水而亡旦泪介師
父聽奴細稟玉山我有無窮苦楚未開言泪已盈腮
幸三生因緣在莽天涯遇吾師救我出泉臺鮑老奴
本是高家女孩金陵隨母離第宅南安尋父來郡齋
貼令尊在南安作甚旦南安知府三尼原來是位小
姐失瞻了旦遭磨害那左家兵特地歪桃紅生巴巴
把母女分開生巴巴把母女分開川撥奴只當雪浪
銀濤把玉埋不料遇漁舡把我安排遇漁舡把我安
排誰知救我的恩星是禍胎貼既然救了怎麼又是

如此老筆不減琵琶

禍胎旦那漁郎心特歹僥令強逼我兩和諧因此投
江出無奈誰想遇見吾師也是我死不該

貼可憐可憐苦了小姐我每出家人以慈悲為本
我南昌去南安不遠且是省會之地小姐不如暫
住小庵待探準令尊人消息再作道理旦深感師
父奴家願為弟子以便相隨貼帶髮焚修也是權
宜之道老尼義不容辭旦謝介貼

尾散慈航救取傾城色旦不教紅粉墮塵埃老旦小
旦你兩個真烈慈悲愧殺我儕
貼來世今生信有因旦兜羅綿手喜授人

大結

二恒河寶筏今總見 合且向空門寄一身

第十七齣 解組

切婉安和

進士出身豈盡知 政体乎樾干之言

誤矣

同一仕危邦處亂 世而君子所憂如 彼小人所樂如此 真燕雀之不如也

越調引鳳穿花外扮鄭太守白驕上合浦黃堂兩袖
清大事去怎支撐空懸鵲印無佳政動故園歸興
國亂兵離事可憂鷓鴣啼遍五層樓不如撒手歸
田去瘴海蠻天易白頭下官鄭樾干自到廉州諸
凡掣肘未及兩月北兵已下南京家中消息不通
好生牽掛如今閩粵諸侯復共立潞王為主下官
位居郡守義不容棄土歸鄉只得勉供職守奈新
君日事翰墨朝政盡委飛黃那鄭飛黃乃海寇出

身那知政体遂致紀綱紊亂賄賂公行嘆介亂有
年我亡無日矣副末上遲眠還早起送往又迎來
啟老爺按院大老爺行部入境請老爺迎接外立
介看馬伺候衆扮衙役唱道擁外下衆排執事傘
扇符印令箭副淨扮巡按丑扮門官繞場上副淨
豹子令後擁前呼好興頭好興頭巡行按部到廉州
到廉州此行不止為誅求御史歡欣太守愁公讎報
了報私讐

下官廣東巡按御史王四維的便是最惱那廉州
府鄭老頭兒十分可惡自到任以來拔一毛而利

果然二字妙是不
出已之所料也持
此以往不獨捉弄
鄭太守且捉弄息
侯且捉弄朝廷矣
小人心術濟其伎
倆可不畏哉

上司不為也湊巧前日入京與息侯拜壽順便把
他捉弄了一捉弄息侯果然大怒教我即行參處
我已同撫公商議了將他擅發義倉賑饑一事參
奏上去一面行部入郡當面摘他的印噫鄭樾千
老頭兒你莫想再帶紗帽了官兒丑跪介有副淨
急：趙行前去丑傳令眾應行介副淨

趙皮鞋他這遭把紗帽丟印綬掣來我巡按收管教
你有家難逃國難投鄭老兒今成砧上肉
外末上迎介丑什麼人外廉州府知府鄭樾千合
浦縣知縣龔義迎接大老爺丑作驕態稟介副淨

察院相見丑擲還手本介行臺見外是同末作急
上馬先下副淨同眾行介

一及布黃堂守百里侯一般禮數周內中一箇有德
尤看他愁呵不愁

丙作鼓吹放砲外末打躬副淨作入院下轎升堂
坐介外末稟見介丑稟介副淨先傳廉州府進見
丑應作傳介外作報門入恭見介副淨貴府知罪
麼外訝介卑府自蒞任以來寔心理事上荷朝廷
委任下蒙各憲栽培才難勝任則有之却不知其
罪副淨哂介貴府太為自己圓融了前者廉府大

饑貴府未行報明先開義倉賑濟這是何說外揖
企此事雖則卑府大胆但卑府亦有一言奉稟副
淨願聞外老大人

越調正曲望歌兒念羊城去廉州往返程途徑庭若
待上憲知候奏聞定則這合浦蒼黎怎全生命卑府
愚意呵想當日汲黯堪引證他發粟從權成佳政卑
府一時無奈因此上蹈前轍擅啟長平先賜萬姓揖
介至于專擅之罪卑府所不敢辭望憲府施恩念一
方懸磬

副淨據貴府所稟直是效法古人自然不錯但今

至論

非昔比那汲黯長孺在當時已是大不合時宜了若
在今日一步也行不去生乎今之世欲反古之道

搖頭介後必有裁後必有裁

沽名二字說來便是罪案

前腔貴府沽名效前人是佛今人性情但本院與撫
臺却替你担這担兒不起南粵封疆我兩個把大小

訊而嘲之嘲而笑
之小人自以得意
者君子視之若無
事也

官兒領你想馬敢徇私只得把貴府題參而今正候
聞朝命想早晚旨意便下却是多有得罪了雖然是
此郡黎元多不幸且喜從今已後呵太守的清名傳

老鄭

外原來老大人已將卑府題參此是老大人為國

至公早府甘心伏法。但既已聽勘，例當繳印。望老
大人即委員攝篆，以主斯民。

前腔乞為蒼生，委能員早撫茲府城。早府呵感老大
人秉公正，今已蒙叅處焉。敢居衙署，五馬雙旌臨百
姓。但自嘆下愚，不能仰體列憲表率之心，為可媿耳。
唯自恨愚頑，把上憲隆恩都辜負，深慚負乘。今日呵
解釋蚊山，使早府向盡殘年，常切中懷耿耿。

雜扮差官上馬前，排鹵簿篋內貯封章。奏章批下
了，內作鼓吹副淨作迎，洋展看介吏部奉聖旨。廣
東撫臣錢大成按臣王四維叅奏廉州府知府鄭

樾千私發官倉賑濟飢民，甚屬專擅。無君等因。鄭
樾千沽名釣譽，甚屬可惡。着革職交撫按嚴加審
鞫定擬。欽此。呀，不料聖旨如此嚴峻，說不得得罪
了。喚合浦縣丑喚介末報門入，叅見介副淨鄭知
府已奉旨拿問，你可好生拘禁。即日起解入省交
按察司收管，待本院巡察事竣，回省審究便了。衆
即場上去外冠帶上鎖，同擁下內誼介副淨甚麼
人誼諱，丑是衆紳衿百姓見鎖，拏了鄭知府都七
言八語在外要求見大老爺。副淨喚合浦縣丑喚
介末急上見介副淨百姓如此無禮，你竟不殫壓。

壓是何道理。未慌介。放上老大人。鄭知府自蒞任以來。為官清正。深得民心。今一旦獲罪罷官。百姓不捨。故擁在門外。諠譁。不過要求老大人保奏之意。副淨你去曉諭他們。鄭知府奉旨拏問。想來沒甚大事。本院回省。一準替他申奏。官復原職。仍到這裡來作知府便了。未是。向內曉諭介。眾內連累太爺。這等慌張。我們不可造次。大家且散。作散聲。介。未喜稟介。副淨笑介。下官可謂有戡亂之才矣。吩咐掩門。眾喊堂作掩門介。副淨尾聲。一言能把輿情定。這才幹有誰能並。擺介。真個。

是不媿觀風將俗整。

為官不可太拘粘。

廉吏從來徒自苦。

第十八齣 尋父

何況人廉地又廉。
貪些原不為人甜。

百折千回

小石調引河滿子。生上。故國江山夕照。他鄉骨肉蓬飄。子夜寅晨。心似搗自燃。酷似蘭膏。萬里椿堂誰靠。賺他烏鳥相嘲。

小生自與母親寄居任媽媽家。不覺兩月。難得任媽媽母子禮待不衰。小生幾次欲奉母親同往。任所一則缺少盤費。二則兵火未消。只得留連于此。

李伯瑟評云曲之妙句全要意曲折而語朴野方為能手若近日之滿紙浮詞徒事揆拾全不設身處地偏出人情真是不知填

如坐針毡近聞潞王即位福州王師已經南下父親杳無音信怎得放心意欲告稟母親往廬州一省老父未識母親意下何如不免請上草堂商議一番則個母親有請老旦嗽上但使主人能愛客不知何處是他鄉生孩兒有話要與母親商議老旦我兒有何話說生泪介母親容稟

小石調正曲芟荷香泪先拋老旦我兒為何落泪亦泪介生憶天涯老父路遠年高更四方兵燹眼看又換南朝老旦泪介生魚沉雁杳想音容隔雲霄爹爹為人剛正難保沒有差池官海風濤邦危國乱主暗

詞為何物矣香山作詩尚欲老嫗得解况曲為雅俗共見之文字讀和君此詞可以見曲之真際矣

臣驕賄賂公行之世正小人道長君子道消想爹爹呵官囊羞溢作中流砥柱怎得堅牢即使爹爹急流勇退棄職而歸也不曉得我母子在此縱使掛冠歸去只怕過舊烏衣燕子空巢因此孩兒細想怕甚麼五嶺途遙兒待去奉晨昏萬里好同整歸橈

老旦孩兒雖具此孝心奈你年幼身孤如何去得生呵母親

錦漁燈兒此去不為行孝也只為爹行異國無聊音信乖違兩寂寥倘遲疑怕途中失錯枉徒勞

老旦我兒所見亦是但一路馬乱兵荒作娘的怎

生放心得下

錦上花你這去路特遙。娘這里日怎熬看嬌生慣養。尚垂髮怎忍你渡遠水百尺濤。

淨扮任婆上

錦前拍莫揣的纔離了鍋竈。忽聽的堂前絮叨相見。生介淨老夫人怎在此無端把淚拋。想必是為寒家缺酒殺老旦婆。說那里話來淨却緣何你母子們心恁焦。

任婆何等爽快

老旦不瞞媽媽說小兒因要去廣東尋他父親。故在此商議淨何必高議。這是極說去的。老旦去是

談去却有許多不便。淨有何不便。老旦

錦中拍我一則念關山路遙。他旅况蕭條。怎通得江湖一竅。淨小相公聰明人不消慮得。老旦再則他去。了我孤身無靠。淨自有老身照管。老旦累得你家零業凋。怎教人把息酬德報淨。這是怎說我任婆子念不到此。老旦感婆之情深義高。還有一件我仔細思量。兒年幼小。因此上恁心焦。

應志焦句

穩老

淨笑介三件事都不要愁他。公子此去全憑一點孝心。吉人自有天相。若是愁他年幼孤身。我家狗子可以同去作伴。老夫人只管放心。在寒家居住。

應上三件白句爽
健流利自然合拍

待鄭老翁回來那時再作計較多少是好
錦後拍莫要愁甚山遙水遙也莫愁他小而嬌更莫
愁無倚靠快打點行囊上道伴登程自有我小兒曹
老旦怎好勞動今即淨同行好眠遲起早相依長路
好尋下落

生得媽媽如此成全小生不敢忘報淨公子只管
放心前去令堂交給老身生如此媽：請上受我
一拜拜介淨急扶生強拜介

流拍感婆心義似山高鯁生何幸相遭小生尋取父
親自當前去我尋生父敢辭勞但勞動令郎如何使

快人快語

得累公郎同打熬恩深重教我如何報斷然不可還
是我獨行好

淨你獨去倒也罷了只是連老身也放心不下你

不要管他只擇日上路便了狗兒那里丑上肩挑

水桶天天腫眼受柴烟日日紅娘作奢淨公子要

上廣東教你同去作伴你可一路不要淘氣丑真

個淨那個哄你丑喜躍介淨公子此去諸事小心

那狗子不過作伴而已算不得人數只怕倒要公

子照管哩生小生曉得淨

尾聲即君可喜能行孝不須愁盤纏缺少老旦生我

不托之托

補筆細

母子深謝婆。贈的資斧饒。

問淨風生野渡江聲急。

劉

老

路入孤城獨去遲。

李益

生歸目送隨回雁盡。

杜牧

老

驛梅應寄最先枝。

張蠡

一江風傳奇上卷終

